

սակայն նշված ժամկետում գումարի ոչ մի մարում չի եղել, որի արդյունքում մայր գումարի վրա հաշվարկվել է պայմանագրերով սահմանված տոկոսները, որը կազմել է՝ 2,123,037.5 հազ. դրամ: Մայր գումարը տոկոսների հետ միասին կազմել է՝ 6,615,537.6 հազ. դրամ: Այնուհետև, «Որոտանի հիդրոէլեկտրակայանների համալիր» ՓԲԸ-ի և Ընկերության միջև 04.12.2015թ. կնքված պահանջի իրավունքը զիջելու մասին պայմանագրով «Որոտանի հիդրոէլեկտրակայանների համալիր» ՓԲԸ-ն զիջել է իսկ Ընկերությունը ընդունել է «Որոտանի հիդրոէլեկտրակայանների համալիր» ՓԲԸ-ի և «Վանաձոր Քիմպրոմ» ՓԲԸ-ի միջև 2007թ.-ից մինչև 2010թ.-ը ընկած ժամանակահատվածում կնքված փոխառության պայմանագրերի հիման վրա «Որոտանի հիդրոէլեկտրակայանների համալիր» ՓԲԸ-ի նկատմամբ ունեցած «Վանաձոր Քիմպրոմ» ՓԲԸ-ի 4,164,298.8 հազ. դրամի պարտքի պահանջի իրավունքը, որի վրա հաշվարկված տոկոսները կազմել է՝ 60,700.1 հազ. դրամ, ընդամենը՝ 4,224,998.9 հազ. դրամ: Ընդհանուր գումարը կազմել է՝ 6,615,537.6 հազ. դրամ + 4,224,998.9 հազ. դրամ = 10,840,538.5 հազ. դրամ:

Ընկերության և «Քիմպրոմ մենեջմենթ» ՓԲԸ-ի միջև 15.07.2016թ. կնքվել է Պահանջը զիջելու, պարտավորությունների նորացման և գրավի պայմանագիր, որով Ընկերությունը անցման պահին գոյություն ունեցող ծավալով և պայմաններով «Քիմպրոմ մենեջմենթ» ՓԲԸ-ին է զիջում (փոխանցում), իսկ «Քիմպրոմ մենեջմենթ» ՓԲԸ-ն ընդունում է Ընկերության և «Վանաձոր Քիմպրոմ» ՓԲԸ-ի միջև կնքված փոխառության պայմանագրերից և «Երևանի Ջերմաէլեկտրակենտրոն» ՓԲԸ-ի և «Որոտանի հիդրոէլեկտրակայանների համալիր» ՓԲԸ-ի միջև 04.12.2015թ. կնքված պահանջի զիջման (ցեսիայի) պայմանագրից բխող Ընկերության պատկանող բոլոր իրավունքները և պարտավորությունը, որը կազմել է՝ 10,840,538.7 հազ. դրամ:

ՀՀ Լոռու մարզի ընդհանուր իրավասության դատարանի 15.02.2016թ. վճռով սնանկ է ճանաչվել «Վանաձոր Քիմպրոմ» ՓԲԸ-ն, որը իր պարտքը ամբողջությամբ փոխանցել էր «Քիմպրոմ մենեջմենթ» ՓԲԸ-ին: Ընկերությունը պարտքը ճանաչել է անհուսալի և արդյունքում «Քիմպրոմ մենեջմենթ» ՓԲԸ-ն չկատարելով պայմանագրերով ստանձնած պարտավորությունները Ընկերության հասցրել է 12,331,234.5 հազ. դրամի վնաս:

Ընկերության դեբիտորական պարտքը «Վարդենարտ» ՍՊԸ-ի մասով 31.12.2018թ. դրությամբ կազմել է ընդամենը՝ 219,020.0 հազ. դրամ, որից 89,300.0 հազ. դրամը մայր գումար, իսկ 129,720.0 հազ. դրամը չվճարված գումարի վրա հաշվարկված տույժեր: Ընկերության և «Վարդենարտ» ՍՊԸ-ի միջև 16.05.2011թ. կնքվել է քարածուխի մատակարարման N2 պայմանագիրը, որի 1-ին կետի համաձայն «Վարդենարտ» ՍՊԸ-ն Ընկերությանը պետք է մատակարարեր 4700-5000 կկալ ջերմատվությամբ, մինչև 30% մոխրայնությամբ 20000 տոննա քարածուխ, մեկ տոննան 23000 դրամ գնով, ներառյալ՝ ԱԱՀ/, իսկ 3-րդ կետի համաձայն՝ «գնորդի կողմից ապրանքի վճարումն իրականացվում է 33% կանխավճար, իսկ մնացած գումարը

մատակարարման պահից երկու ամսվա ընթացքում ապրանքը ստանալուց հետո»: Համաձայն մատակարարման պայմանագրին կից 16.05.2011թ. կնքված N1 համաձայնագրի, «Վարդենարտ» ՍՊԸ-ն պարտավոր է 20.000 տոննա քարածուխը մինչև 2012թ. ապրիլի 1-ը չմատակարարելու դեպքում, մինչև 2012թ-ի ապրիլի 10-ը ամբողջությամբ վերադարձնել «Երևանի ԶԷԿ» ՓԲԸ-ի կողմից վճարված կանխավճարի ողջ գումարը:

Համաձայն 11.09.2014թ. Ընկերության և «Վարդենարտ» ՍՊԸ-ի միջև կնքված պարտքի գումարի վճարման ժամանակացույցի մատակարարը պետք է մարեր 2014թ. սեպտեմբերի 1-ի դրությամբ ունեցած Ընկերության 112,800,0 հազ. դրամի պարտքը մինչև 2016թ. սեպտեմբերի 30-ը, սակայն մատակարարը ժամանակացույցի համաձայն 30.10.2014թ., 25.11.2014թ., 23.12.2014թ., 10.02.2015թ. և 07.05.2015թ. վճարել է ընդհանուր 23,500.0 հազ. դրամ, պարտք մնալով Ընկերությանը 89,300.0 հազ. դրամ, որի վրա հաշվարկված տույժերը կազմել են՝ 129,720.0 հազ. դրամ: Ընկերությունը գումարի բռնագանձման պահանջի հայցադիմումով 12.02.2019թ. դիմել է Կոտայքի մարզի ընդհանուր իրավասության դատարան: Համաձայն Ընկերության կողմից 27.09.2019թ. ՀՀ հաշվեքննիչ պալատ ներկայացված տեղեկատվության, Ընկերությունը միջնորդություն է ներկայացրել դատարան հայցի ապահովումը կիրառելու պահանջով և 16.04.2019թ. միջնորդությունը բավարարվել է և պատասխանողի գույքի վրա արգելանք է դրվել:

Ընկերություն **կրեդիտորական պարտքերը** առ 31.12.2016թ. կազմել են՝ 28,577,466.7 հազ. դրամ, առ 31.12.2017թ. կազմել են՝ 36,945,113.3 հազ. դրամ, իսկ 31.12.2018թ. դրությամբ այն կազմել է՝ 28,726,807.3 հազ. դրամ:

Պարտքերի առաջացումը, դրանց տարեկան փոփոխությունները և մնացորդները ստուգվել են Ընկերության կողմից ներկայացված հաշվապահական փաստաթղթերի հիման վրա (պայմանագրեր, վճարման հանձնարարագրեր, հաշիվ ապրանքագրեր և այլն):

ԱՌԱՋԱՐԿՈՒԹՅՈՒՆՆԵՐ

Առաջարկություններն «Երևանի ՋԷԿ» ՓԲԸ-ին՝

1. Աշխատակիցների հետ աշխատանքային պայմանագրերը կնքել <<Բաժնետիրական ընկերությունների մասին>> ՀՀ օրենքի և ընկերության կանոնադրության պահանջներին համապատասխան:
2. Ձեռնարկել միջոցառումներ հին կայանի պահպանման համար կատարվող ծախսերը նվազագույնի հասցնելու ուղղությամբ:
3. Ձեռնարկել միջոցառումներ Ընկերության դեբիտորական պարտքերը գանձելու և կրեդիտորական պարտքերը մարելու ուղղությամբ:
4. Մեկ անձից և բանակցային ընթացակարգերով գնումները, մասնավորապես արտասահմանյան գործընկերներից իրականացված գնումները, կատարել «Գնումների մասին» ՀՀ օրենքի և ՀՀ կառավարության 04.05.2017թ. N 526-Ն որոշման պահանջներին համապատասխան և կնքել պայմանագրեր:
5. Ընկերության կողմից մրցույթների հրավերների տեխնիկական բնութագրերը կազմել «Գնումների մասին» ՀՀ օրենքի 13-րդ հոդվածի 5-րդ մասի պահանջներին համապատասխան, հղում չկատարելով գնման առարկայի մոդելին, մակնիշին ու արտադրողին:
6. Մրցույթների գնահատող հանձնաժողովի արձանագրությունները կազմել «Գնումների մասին» ՀՀ օրենքի 6-րդ հոդվածի 3-րդ մասի 5-րդ ենթակետի, 34-րդ հոդվածի 1-ին մասի, ՀՀ կառավարության 04.05.2017թ. N 526-Ն որոշման 47-րդ կետի, ինչպես նաև մրցույթների հրավերների պահանջների համապատասխան:
7. Պայմանագրերով նախատեսված ծավալներում լրացուցիչ աշխատանքներ կատարելու անհրաժեշտության դեպքում անել պայմանագրում նախօրոք փոփոխություններ և նոր կնքել համաձայնագրեր, որոնց նախահաշիվներում բացառել նույնատիպ աշխատանքների կրկնողությունները:
8. Կոմպրեսորի թիակների վրա հղկման (расточка) աշխատանքներ կատարել միայն ՀՇԳՑ թիվ 1 էներգոբլոկի հիմնական նորոգման աշխատանքների տեխնիկական կանոններով, պահանջներով կամ ստանդարտներով սահմանված կարգով: Հաշվի առնել նաև տեխնիկական հսկողություն իրականացնող ընկերությունների ցուցումները տվյալ աշխատանքների վերաբերյալ:
9. Նվազագույնի հասցնել Ընկերությունում կապիտալ աշխատանքների ժամկետների երկարացման արդյունքում իրականացված լրացուցիչ ծախսերը, քանի որ 2018թ.այն կազմել է՝ «Ջեներալ Էլեկտրիկ» ընկերության մասով 158,015.71 եվրո, իսկ «Ֆուջի» ընկերությունների

մասով՝ 15,426.36 ճապոնական իեն, ինչպես նաև ՀԾԿՀ-ի կողմից հատկացված 45,740 հազ. դրամի փոխարեն Ընկերությունը փաստացի ՀԷՑ ՓԲԸ-ից ձեռք բերված էլեկտրական էներգիայի գծով ծախսը կազմել է 53,666 հազ. դրամ՝ գերաժախսը կազմել է 7,926.0 հազ.դրամ:

10. Մատուցած աշխատանքների (ծառայությունների) համար հաստատել երկկողմանի նախահաշիվներ գնահաշվարկներ, գնումների պլանում ներառել ապրանքների ձեռք բերման միավորի կողմնորոշիչ գների վերաբերյալ փաստաթղթավորված վերլուծական հիմնավորումները, իսկ փաստացի ձեռքբերումների գները ներկայացնել ոչ թե մեկ ընդհանուր գնով, այլ ըստ ապրանքների գների:

11. Կատարված աշխատանքների ժամանակ կազմված համադրման ակտերը համապատասխանեցնել փաստացի կատարված աշխատանքների հետ:

12. Հիմնավորել կատարված գնումների անհրաժեշտությունը և գնման ընթացակարգի արձանագրությունները կազմել առաջնորդվելով «Գնումների մասին» ՀՀ օրենքի 9-րդ հոդվածի 1-ին կետի 2-րդ ենթակետի պահանջներով:

13. Տարբեր գներով, տարբեր տարիների մատուցված նույնատիպ ծառայությունների տեխնիկական բնութագրերը կազմել հստակ նշելով ըստ տարիների գնվող առարկային վերաբերվող պահանջները:

14. Ձեռնարկել համապատասխան միջոցներ աշխատանքների կատարման վերջնական արձանագրությունների ստորագրման, ինչպես նաև աշխատանքների ուշացումների հետևանքով տույժերի և տուգանքների հաշվարկման ուղղությամբ:

15. Հետագայում նմանատիպ ծրագրեր իրականացնելու ընթացքում առաջնորդվել պայմանագրով նախատեսված դրույթներով:

16. Առաջարկվում է ձեռնարկել համապատասխան միջոցներ ծրագրի ավարտին խնայված շուրջ 5.5 մլն ԱՄՆ դոլար վարկային միջոցներ չեղարկման ուղղությամբ:

17. ԵՐՋԷԿ» ՓԲԸ-ի տրանսպորտային միջոցների վրա կատարված վերանորոգման ծախսերը կատարել առաջնորդվելով Շահութահարկի մասին» ՀՀ օրենքի 13-րդ հոդվածի 2-րդ կետի և ՀՀ կառավարության 11.04.2000թ.-ի N 161 որոշման ա) կետի պահանջներով:

ՀԱՇՎԵՏՎՈՒԹՅՈՒՆ

1. Հաշվեքննության ժամանակահատվածում <Երևանի ՋԷԿ> ՓԲԸ-ի և ABB AB, Substations և Cobra Instalaciones Y Servicios S.A. կոնսորցիումի հետ 2016թ. հուլիսի 14-ին կնքվել է նոր ենթակայան կառուցելու վերաբերյալ պայմանագիր, սակայն կառուցման աշխատանքները սկսվել են 2017թ. հունվարից՝ ֆինանսավորումը ուշացնելու հետևանքով: Գործողության ժամկետը սահմանվել է 17 ամիս, որը հետագայում երկարաձգվել է մինչև 20 ամիս/ և կառուցման ավարտ է սահմանվել 16.09.2018թ.: Արդյունքում ծրագիրը չի իրականացվել սահմանված ժամկետներում, ավելին՝ մինչև 31.12.2018թ. չեն ստորագրվել աշխատանքների կատարման վերջնական արձանագրությունները, ինչպես նաև չեն հաշվարկվել աշխատանքների ուշացումների համար պայմանագրով նախատեսված տույժերի և տուգանքների գումարները:

2. Ինչպես նկարագրված է ընթացիկ եզրակացության II. բաժնի 7-րդ կետում, աշխատանքների ոչ ճիշտ պլանավորման արդյունքում նոր ենթակայան կառուցելու նպատակով ներգրավվել են ավելի շատ վարկային միջոցներ, որի հետևանքով, համաձայն ենթավարկային պայմանագրի 3-րդ կետի, վարկառուն չօգտագործված վարկի դիմաց վճարել է պարտավճար տարեկան 0.25 տոկոսի չափով՝ 2015թ. հունիսից մինչև 2016թ. դեկտեմբեր ամիսը շուրջ 118.0 հազ. ԱՄՆ դոլար, 01.01.2017-31.12.2018թթ.՝ 74,121.4 ԱՄՆ դոլար:

3. Գազատուրբինի մոդեռնացում C2 ինսպեկցիայի ժամանակաշրջանում աշխատանքների ծավալները ըստ GE ընկերության ընթացակարգի» ԵՐՋԵԿ-ԲՄԱՇՁԲ 31/18 ծածկագրով մրցույթում հաղթող ճանաչված «Տեպլոէներգամոնտաժ» ընկերության հետ կնքվել է 346,624.0 հազ. դրամի պայմանագիր, «Գազատուրբինի մոդեռնացման աշխատանքներ C2 ինսպեկցիայի շրջանակներում» (ծառայությունների մատուցում) «Ջեներալ էլեկտրիկ» ընկերության կողմից», մեկ անձից գնում, որի պայմանագրի գինը կազմել է 783,240.9 հազ. դրամ և «Շոգետուրբինի կապիտալ աշխատանքներ C2 ինսպեկցիայի շրջանակներում» (ծառայությունների մատուցում) «Ֆուլի» ընկերության կողմից», մեկ անձից գնում, որի գինը կազմել է՝ 266,509.4 հազ. դրամ, գնման գործընթացներում կապիտալ աշխատանքների ժամկետների երկարացման արդյունքում Ընկերությունը կրել է հետևյալ լրացուցիչ ծախսերը՝ «Ջեներալ էլեկտրիկ» ընկերության մասով 158,015.71 եվրո, իսկ «Ֆուլի» ընկերությունների մասով՝ 15,426.36 ճապոնական իեն: Համաձայն 2018թ. տարեկան հաշվետվության՝ «Ընկերությունը էլեկտրական էներգիա 72,907 հազ.կՎտ/ժ քիչ է արտադրել նախատեսվածից: Պայմանավորված 2018թ.-ին Ընկերությունում իրականացված կապիտալ վերանորոգման ժամկետների երկարաձգման հանգամանքով՝ էներգորկի կանգառը նախատեսված 58 օրից փաստացի կազմել է 69 օր»: Բացի այդ 2018թ.-ին ՀՇԳՑ էներգաբլոկը 7368 ժամից փաստացի աշխատել է 7108 ժամ, այսինքն՝ կանգառը

կազմել է 1652 ժամ, մինչդեռ 2018թ.-ի համար նախատեսված նորոգումների համար կանգառը պետք է կազմեր 1392 ժամ: Կապիտալ վերանորոգման աշխատանքների ժամկետի երկարացման հետևանքով՝ կայանի ավել կանգառը կազմել է 260 ժամ: Կայանի 1652 ժամ կանգառի հետևանքով անհրաժեշտ էլեկտրաէներգիան ձեռք է բերվել ՀԷՑ ՓԲ ընկերությունից: Սակայն կապիտալ վերանորոգման աշխատանքների ժամկետը նախատեսված 51 օրից փաստացի կազմել է 62օր: Համաձայն Ընկերության կողմից ներկայացված պարզաբանման՝ սեփական կարիքների («ՀԷՑ» ՓԲԸ-ից) համար ձեռքբերվող էլեկտրական էներգիայի համար Ընկերությունը պլանավորել էր կատարել 45,740 հազ. դրամի ծախս (քանի որ փոխհոսքերի գործառույթը չի պլանավորվում), սակայն փաստացի կատարել է 80,113 հազ. դրամի, որից 26,447.0 հազ. դրամը (1,303,824 կՎտxժ) փոխհոսքեր գործարքի շրջանակներում էլեկտրական էներգիայի արտահանման համար, այսինքն Ընկերությունը առանց փոխհոսքերի «ՀԷՑ» ՓԲԸ-ից սեփական կարիքների համար ձեռք է բերված էլեկտրական էներգիան կազմել է 53,666 հազ. դրամ: ՀԾԿՀ-ի կողմից հատկացված 45,740 հազ. դրամի փոխարեն Ընկերությունը փաստացի ՀԷՑ ՓԲԸ-ից ձեռք բերված էլեկտրական էներգիայի գծով ծախսը կազմել է 53,666 հազ. դրամ՝ գերաժախսը կազմել է 7,926.0 հազ.դրամ:

Արդյունքում չի պահպանվել հաշվեքննության առարկայի տնտեսման սկզբունքը, նվազագույնի չի հասցվել նախատեսված ռեսուրսներին ուղղված ծախսերը՝ սահմանված ժամկետի, որակի, քանակի, ծավալի պահպանմամբ և համարժեք հատուցմամբ:

<<Հաշվեքննիչ պալատի մասին>> ՀՀ օրենքի 26-րդ հոդվածի 6-րդ մասի համաձայն, հաշվեքննության օբյեկտի ղեկավարը ընթացիկ եզրակացությունը ստանալուց հետո՝ 30 օրվա ընթացքում, Հաշվեքննիչ պալատին տրամադրում է ընթացիկ եզրակացությունում ամրագրված անհամապատասխանության, խեղաթյուրման վերացման, առաջարկությունների իրականացման և ընթացիկ եզրակացությանը վերաբերող այլ գրավոր տեղեկարկություն: